

Sier Moisè Venier el censor, qu. sier Moisè	40.123
Sier Piero da cha' da Pexaro, el savio a Terra ferma, qu. sier Nicolò	50.113
Sier Marco Loredan, fo di Pregadi, qu. sier Domenego	34.135
— Sier Piero Capelo, el savio dil Consejo, qu. sier Zuan procurator	87. 79
Sier Hironimo Baxadona, fo di la Zonta, qu. sier Filippo	21.150
Sier Zuan Antonio Dandolo, fo di la Zonta, qu. sier Francesco	24.142
Sier Gasparo Malipiero, fo savio a Terra ferma, qu. sier Nadal.	64. 99
Sier Vettor Michiel, el consier, qu. sier Michiel	56.114
— Sier Sebastian Moro, fo provedador in armada, qu. sier Damian	87. 81
Sier Zacaria Loredan, fo podestà e provedador a Crema, qu. sier Luca	47.121
Sier Alvise Barbaro, fo Cao dil Consejo di X, qu. sier Zacharia el cavalier procurator	35.137
Sier Filippo Capelo, fo provedador sora el cotimo di Damasco, di sier Lu- nardo	14.152
Sier Andrea Vendramin qu. sier Lu- nardo	20.147
Sier Vincenzo Capelo, fo provedador in armata, qu. sier Nicolò, balotà nu- mero 7	76. 96

Et per esser venuti a tante a tante questi tre segnati davanti el Trun, tutti tre fono reballotadi.

Reballotadi questi tre.

† Sier Luca Trun, el savio dil Consejo, qu. sier Luca	123.49
† Sier Piero Capelo, el savio dil Consejo, qu. sier Zuan procurator	123.46
Sier Sebastian Moro, fo provedador in armada, qu. sier Damian	76.57

Et poi mandati tutti fuora, li Secretari non poteano star, e chiamati dentro quelli non meteva balota, et admoniti per el Canzelier granda la grandissima eredenza, et quelli non è stà in Pregadi l'ultimo Consejo si vadino a dar in nota et tuor el juramento a li Cai dil Consejo di X, et questi soto scriti andono zoè a tuor el juramento :

Sier Alvise Barbaro, è di la Zonta; qu. sier Zacaria el cavalier procurator.

Sier Marin Sanudo, fo savio a Terra ferma, qu. sier Francesco.

Sier Alvise Justinian, è provedador a le biave, qu. sier Marin.

Sier Piero Balbi, è di Pregadi, qu. sier Beneto.

Poi, per Zuan Batista di Vielmi fo leto *tre lettere* 27 *
di sier Antonio Justinian dottor, orator nostro in Franza, date a Paris, a dì 2, 3 et 4 dil presente, qual se dia tenir secretissime, però qui non farò mentione ni scrittura alcuna.

Et lete le lettere, fo licentiat il Pregadi a horo una e meza di note.

Fu posto *etiam* questa altra parte, per li Savii dil Consejo e di Terra ferma, che *de cætero* non si possi dar alcun danaro a li Oratori, Provedadori o altri electi per questo Consejo, se prima non si tuo' licentia e si baloti in questo Consejo, et questo perchè molte volte si dà danari per Colegio et poi non li par tempo di mandarli, et la Signoria stenta a re-haver li danari dati, *etiam* quelli li hanno auti li danno con gran sinistro loro per averli spexi, credendo andar al suo viazo etc. *ut in parte*. Fu presa; ave 153 de sì, et 10 di no; la qual parte è questa :

Essendo zà alcune volte seguito questo inconveniente, che ad alcuni Oratori, Provedadori, over altri, molto avanti el suo partir, vien balotà per el Colegio i mandati de li danari per subvention de le spexe loro, i quali danari *immediate* sono exhorsati; ma da poi per mutation de le cose nasse diversità di opinion in Colegio zercha el partir loro, et la exhorsation dil danaro cade ad incomodo si de la Signoria nostra, il che è noto a cadauno, come *etiam* a disconzo de li medesimi electi, che havendo fati li disegni soi fermi sopra el partir de qui ne restano inganati, come tuttora si vede, et però l'anderà parte: che *da mo* inanti non si possa dar più danari per spese ad alcun Orator, Provedador, over altra persona electa per questo Consejo, salvo per nova balotation di esso medesimo Consejo, aziò che, come quello che ha da judicar el tempo idoneo o non idoneo di mandar li ministri a li officii soi, possa deliberar zercha el danaro pubblico secondo la sua intenzione; et cussì facendo el denaro sarà speso utilmente et secondo la volontà di quello.